



Politička organizacija građana "Naša stranka"

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

Zastupnik/ca u Skupštini Kantona Sarajevo

Broj: ____/19

Sarajevo, 23.07.2019.

Dostaviti:

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

n/r predsjedavajući Skupštine Kantona Sarajevo

Uputiti: Vlada Kantona Sarajevo

Ministarstvo komunalne privrede KS

PREDMET: INICIJATIVA

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Vladi Kantona Sarajevo, tačnije resornom ministarstvu. upućujem inicijativu za **postavljanje automatskih javnih toaleta na više lokacija u Kantonu Sarajevo u saradnji sa općinama ili u obliku javno-privatnog partnerstva.**

O B R A Z L O Ž E N J E

Ovom inicijativom želim da potaknem poboljšanje javne higijene, naročito u užoj turističkoj jezgri Sarajeva. Svake godine povećava se broj turista u Kantonu Sarajevo, a on prema statističkim evidencijama iznosi preko 500.000 u 2018 godini. Sa druge strane komunalna infrastruktura i objekti javne higijene već dugo su na istom nivou. U užem centru je evidentan mali broj javnih toaleta, a prema mom sudu čini se da niti jedan od postojećih nije u vlasništvu kantona. Upravo zbog gore navedenih informacija tražim od ministarstva da pokrene ovaj proces i da u isti uključi i općine.

Također, proces postavljanja automatskih javnih toaleta ne treba nužno biti ograničen samo na gore navedenu teritoriju, opća je potreba za ovom komunalnom infrastrukturom u čitavom Kantonu Sarajevo. Odlika urbanih sredina i njihove komunalne infrastrukture su i javni toaleti.

Jedan od osnovnih ciljeva je poboljšanje javne higijene, jer imamo učestaliju praksu korištenja javnih površina za zadovoljavanje fizioloških potreba, kao i rasterećivanje privatnih poslovnih objekata čije toalete prolaznici često koriste. Ovakva komunalna infrastruktura podrazumijeva

i određenu naknadu za korištenje, što može biti prostor za stvaranje novih prihoda, radnih mjesta i potencijal za dodatna ulaganja u komunalnu higijenu.

S poštovanjem

Vildana Bešlija

Zastupnica Naše stranke u Skupštini Kantona Sarajevo